

拳匪紀事

卷二

魏國紀事

拳匪紀事卷二

日本佐原篤介
同輯

浙西漚隱

匪亂紀聞

光緒二十五年十一月二十八日○英國教士卜克斯在山東肥縣境內被匪殺害

十二月初四日○上諭袁世凱電奏山東平陰肥城兩縣匪徒聚衆滋事將教士架至毛家鋪地方該署撫設法購救並派馬隊兜拿卒以防護不及教士被匪徒殺害等語覽奏殊深惋惜各國傳教載在約章疊經諭令各該督撫督飭地方官隨事隨時認真保護奚止三令五申乃山東地方竟有教士被害之事該地方文武各員事前疎於防範已屬咎無可辭若不卽將凶犯趕緊緝獲尙復成何事體著袁世凱迅將疎防之該管各官先行參處一面勒限嚴緝凶犯務獲懲辦以靖地方而敦鄰好欽此○後經肥城縣金猷大等先後緝獲案犯吳方城吳經明龐燕木孟洸汝李潼關等多名解省審辦並由總理衙門電咨英國欽使竇派委領

事甘伯樂赴山東觀審隨將孟洗汶及吳方城兩犯於今年二月先後處斬絞決以昭炯戒○是役也共給卹款及建造教堂經費銀九千兩又該處鄉長捐給立碑費銀五百兩又議在平陰縣給地約五畝以爲建造教堂之基址

光緒二十六年二月二十七日○天津來電云練拳會匪近在天津南面六十英里之某處附近一帶甚爲鴟張派往勦辦之華兵業與該匪等交鋒聞華兵被殺甚多譯香港西報○山東武城楊莊之拳匪爲官兵緊逼避入廟內圍而殲之共計死傷匪徒二十八人

二十八日○天津來電天津通城貼有匿名揭帖煽惑人民殺害洋人并定於三月初一日起事攻打外國租界○按義和團匪所貼揭帖甚多內中字樣各有不同茲經抄錄一紙如下 着爾耶穌教各教堂知悉今限爾一禮拜內教堂內之人悉行離開各教堂均由本會中神人居住如敢不遵卽須用術將爾各教堂房屋悉行拆毀縱火焚燒彼時悔之晚矣

三月初三日○北京來電山東省亂匪現已蔓延至直隸聞各國皆須派兵至京○聞官兵在河間府屬之任邱縣內與義和團匪曾開仗一次官兵爲其所敗統

帶官受傷甚重兵士亦被殺多人知府亦受刀傷并聞該匪等與天主教中人亦曾接仗云譯京津時報○天津地方傳述謂端郡王所統之虎衛軍內現有八千人咸與義和團匪通同一氣譯字林西報

十三日○高密縣城外鐵路公司被搶 先是高密鐵路時有滋鬧情事經公司總辦錫樂巴赴省與東撫袁世凱會商妥協訂立合同後即飭各分公司管事人等照章辦理至此高密城外公司又被搶掠沿路管工人在南呂者皆逃至濰縣在高密者皆逃至膠洲○北京專電政府已派兵七千名向山東進發○有人函致本館云義和團中人潛滋暗長蔓延甚速目下直隸北境幾於隨處皆有應募入會者亦實繁有徒若輩均係一千八百八十九年時與天主教爲難之會匪因經法國使臣逼令華官將其首領殺戮致懷恨在心時思報復團匪各頭目近又在北京迤北盡力招人入會即在熱河之各口滿員亦莫不爲之袒護云譯字林西報○山東有義和團匪頭目兩人因搶掠典當又與教民爲難致爲華官拘獲近已在濟南正法譯字林西報○聞現在津郡城廂內外時有幼童演練義和拳又有幼女演練紅燈照此種陋風河東一帶爲尤甚小營門內外亦有之以致謠言

四起○保定東呂村又有團匪蠢動將與教民爲難前次幾至釀禍近已稍稍斂跡惟不時見有揭帖種種大言搖惑人心故地方頗不安靖○聞義和團匪目下已悉至保定府該團約有萬人現均屯紮於保定府南門外人民均驚惶異常因該團匪徧貼匿名揭帖聲稱定於本月廿號起事也○天津於禮拜六獲有義和拳團六人當卽拘至天津縣監禁

十五日○現下直隸團匪勢甚孔亟如張南登鎮新店一帶不下千餘人保定府沈太守聞信卽檄令清苑縣令馳往查辦匪衆已聞風遠颺○又聞白河溝地方有團匪聲言將定期拆毀教堂故榮中堂於日前電飭督標張西園督兵前往相機辦理○又聞文安霸州安州固安雄縣一帶亦有團匪蠢動業經直隸總督札飭督標張西園速派幹員督兵彈壓○又聞保定府清苑縣屬謝家莊亦有團匪踪跡其衆約二千人以仇教爲名盤踞莊內地方官已據情稟請直督批示遵辦○聞保定府近有匪徒散布揭帖云三月二十日各處義和團當聚萬餘人同在南關聚會以洩公憤闔城聞之皆爲驚惶○又聞山東東昌府團匪時有往教士家搶掠并擄人勒贖等事離清平縣三里地方教中人近被擄去二次計共男女

四人○又聞青州匪首仍未拿獲結黨橫行反勝昔日○直隸河口村附近一帶團匪甚衆近向山東約來匪首數人并將其莊改名義和莊每當夜靜到處焚表讀咒經方大令聞知率衆往查而匪等已聞風先避間有查獲兵器者謂係自衛身家以防盜賊官亦無如之何○直隸清苑縣南鄉之張天莊謝莊蔣莊張登等村附近一帶亦有聚衆演拳之事是日竟起而與教民爲難教民亦有準備相持至兩刻之久兩下均有受傷西苑縣令帶練軍馳往彈壓西關馬隊營亦整隊前往暫駐張登村相機辦理

二十二日○楊柳青兩次緝拏之拳匪聞內有四人均皆直隸深冀等州籍日在該鎮糾人教演拳術好事之徒趨之若鶩信從既衆匪勢遂盛聞其聚衆情形實與無知乳臭演拳嬉戲迥乎不同○議和團匪潛來京師凡遇教堂則徧黏招帖謂三月杪當與教堂爲難云云前日爲順治門左近法教士所見甚爲驚駭遂咨照步軍統領衙門派勇保護現在五城皆沿街黏貼告示嚴拿匪犯其示意謂現在義和團匪潛匿京津肆造謠言毀教堂殺教士大千法律着五城一律嚴拿如有知機或拿獲到案者予以厚獎云

二十七日北京四月二十六號來信云昨接消息謂義和拳匪近在距保定府南門外五十里之姜家莊地方與天主教民爭鬪此事先經法主教接到電音未幾總署亦接到該地方官來電至下午又接有該處信函較電音更詳據云該拳匪共有二千餘人相約往攻有教民之村莊莊中教民逆知該匪等必來滋擾早預備軍械以待該匪於晨刻卽往攻打彼此爭持直至下午三點鐘時方停止當將該匪擊斃六七十人其負傷者亦不少教民死者一人受傷六人拳匪等見不能敵祇得敗退當爭持時教民等悉據屋頂所有洋槍藥彈亦甚備足而拳匪所用軍械祇有木棍石塊刀刃而已總署接信後立派馬兵一隊乘坐火車馳往彈壓并相機勦辦不准再有滋鬧

通州地方之美教士近日函致美使館謂該處有無數拳匪在彼操演且聲言欲與洋人爲難幸總署早經派有馬兵一隊前往彈壓并聞總署近又派馬兵一隊至遵化地方以防拳匪與美教士等爲難○目下北京仍有拳匪每日下午必有一二十孩童及少年人若干在煤山對面宮牆下操演○山東來信云自前次官兵將義和團擊敗并殺斃團匪二十餘人後地方已頗安靜至此禮拜內又經官

兵將團匪殺斃十一人擒獲八人

四月初三日○山東來函臨清州地方日來匪亂甚盛將有發難之勢○義和團在天津各處徧貼匿名揭帖其詞曰神助拳 義和團 只因鬼子鬧中原 勸奉教 乃霸天 不敬神佛忘祖先 男無倫 女鮮節 鬼子不是人所生 如不信 仔細看 鬼子眼睛都發藍 不下雨 地發乾 全是教堂止住天 神爺怒 仙爺煩 伊等下山把道傳 非是謠 非白蓮 口頭咒語學真言 升黃表 焚香烟 請來各等衆神仙 神出洞 仙下山 扶助人間把拳頑 兵法易 助學拳 要擯鬼子不費難 挑鐵道 把線砍 旋再毀壞大輪船 大法國 心胆寒 英吉俄羅勢蕭然 一概鬼子全殺盡 大清一統慶昇平○義和團近日佈滿京內外惟黃村鎮及龐谷莊等處尤聚散無常該匪首忽造謠言云在溫泉山煤洞中掘出前明劉青田所書石碑一方其文曰庚子之年日照重陰君非桀紂奈佐非人最恨和約誤國殃民上行下效民冤不伸原忍至今羽翼洋人趨炎附勢肆虐同羣逢天曹怒假手良民紅燈下照民不迷津義和明教不約同心全重漂洋孽時逢本命宮待當重九日翦草自除根○京

城東安門內河沿各巷有人自號義和教師每日小兒從之練拳者日繁有徒○直隸蠡縣地方近日亦有義和團匪聚衆滋事

初八日○津函相近保定府之某村莊近又出有私黨名曰紅燈會專於夜間出外行事日間並不見其蹤跡

廿一日○北京專電義和拳匪現在直隸各處其勢甚熾較前更爲猖獗地方官亦不竭力勦辦近將距北京西南七十英里之來順村內所有法國教民房屋盡行焚毀并將教民七十三名殺戮殆盡○又接來電則謂教民數人俱被焚斃在北京之拳匪現更聚集無數勢已岌岌可危

廿二日○各國使臣集議調兵入都事教民之避禍於京師者業已踵趾相接○天主教民之居住涑水村者甚衆日前正在禮拜之際忽有團匪等蜂擁而至竟將房屋圍住開放槍彈縱火焚燒內中教民共七十三人大半爲所焚斃有欲脫逃者亦被截殺斃命

廿三日○楊雲峯副將奉派至涑水縣彈壓拳匪初斃多名廿三日中伏陣亡所部馬隊七十餘人悉遭屠戮督署接到緊電後卽日添派馬兵一隊旋於二十四

二十五兩日先後又派五隊前往痛勦○又開郡屬鹽山南皮兩縣及交河縣屬泊頭鎮之團匪其勢猖獗更甚於前各教堂頗有危險之虞現在各縣令紛紛請兵以資保護○初涞水定興交界處村民奉教者衆有武舉某相遇必怒色向之而教民亦不之懼兩不相下積嫌成仇一日該舉人與教民某訟於官不得直罰令該舉人出制錢四百千酒菜二十席該舉人引以爲恥欲報之而苦無良策會山東義和團方起事聞有異術於是破家傾產聘數人至該村教平日附從於己而能爲出力者此數人儼然以大教師二教師三教師等自名誦咒弄鬼焚香播神幾無虛日教民知禍將及已報於官縣令祝大令據報詳稟上臺皆以爲若輩徒自擾何足爲大患旋各教士亦懇請豫爲保護姑令馬隊營分統楊雲峯副戎率其部下往僅僅七十餘人合計一哨半耳是時由保定調至之王統領部下馬隊尙未至團匪得信語人曰本期術成而後發今事急且試之號召大衆連日非焚教堂卽殺教士紅光四起橫屍徧衢巨禍已成警信疊至當道於此方悔初時之失算然猶未拒官也無何楊副戎督隊至十九日遇團匪知難理喻與之戰不及裝彈幾覆軍下令速退匪襲其後未數步轉身發槍皆應聲倒殺匪甚多次早

屍可檢者得十八人所謂二教師神通廣大能赤手抵當槍炮者亦與焉餘匪逃時回頭誓曰必得楊某而後甘心二十日副戎出復殺十數人及至二十三日匪衆之裝束大非昔比巾帶皆紅色衣紫衣副戎領兵直前大股匪復退去蓋誘兵計也副戎不悟追過村落深處伏發馬驚竄副戎先中槍刺傷胸部急以刀抵格而第二槍已中喉不可救矣從員二名亦被刺死查辦團匪之某觀察卽以馬隊覆沒楊副將亦死之語飛報直督裕壽帥卽日撥馬隊一營次日復撥耿君鳳鳴所帶之練軍二營相繼往二十七日更添派馬隊二營步隊一營其由保定而至者則有張西園協戎王統領占魁部下之兵

廿四日○天津來信義和拳匪近又在距牛莊北省三十七英里之某府滋事○又聞滿洲貴族世家入於義和團者甚衆王公貝勒等并亦允爲保護

廿五日○距保定府清苑縣三十里之某村近日又有義和團匪將天主教民殺斃六十餘人詳情尙未知悉○京中順直門外南下窪地方時有團匪教童子習拳日凡數起或向詰問則自稱爲扶清滅洋之大會並云京中大員某某京外大員某某皆入會爲頭目吾輩奉命教練童子若干萬人云○保定南城旁之文昌

宮及東關王家胡同均有愚民集衆練拳日盛一日一遇教民便加非禮

廿八日○京城四處忽有義和團揭帖大言嚇人聲稱二十九日將拆燬同文館大學堂等所有師徒均不饒放各堂學生聞之適是日禮拜相率託故暫避今雖期過而各堂無恙然因蘆保車站被刦之故恐有意外之虞

廿九日○召見董福祥○琉璃河車站被匪焚燬

五月初一日○拳匪進襲長辛店蘆溝橋二車站火之并截斷電線津郡戒嚴

初二日○太后在頤和園得信大驚特調兵二營專保衛頤和園○拳匪燒毀由津至京鐵路由京犯闕豐台車站及機器局焚燒殆盡法國工程師受傷比國工程師被圍○又天主教民現逃避北京法國大禮拜堂內者共有五百餘人○京榆鐵路停車○榮中堂出京巡閱馬家堡豐台一帶○端王諭虎神營將校督率軍士分赴永定門內外與武衛營聯絡一氣○步軍統領添派兩翼兵丁在城內東交民巷各使館左近晝夜巡守○開郡屬鹽山南皮兩縣及交河縣屬泊頭鎮之團匪其勢猖獗更甚於前各教堂頗有危卵之虞現在各縣令紛紛請兵以資保護○裕壽帥以豐臺鐵路情形危急已於初一日派何統領永盛挑撥練軍右

營前往豐臺駐紮以資防護統領遂於是日早檄行該營營官龔游戎先第於十二點鐘率隊首途○豐台村民藉勢焚站搶物警信傳入京城總署卽於是日檄調兵百餘名保護東交民巷一帶各國使館步軍統領崇受之大金吾是日早親往長辛店榮中堂亦率兵隊數百名到馬家浦再至豐臺將全村逐家搜檢如抄有車站物件卽行斬決聞已抄得八家獲犯八名其餘因天色已昏定初三早再抄刻下豐臺甚形紛擾

初三日○北京來電蘆保鐵路已斷京津鐵路不通匪亂益熾○聞團匪在長辛店縱火時濃烟四布 太后在萬壽山內瞭見立命大臣帶兵往查故榮中堂亦親自出京刻已將中軍神機等營分布各城每門二營惟永定門五營馬家堡三營豐台五營○近日蘆保鐵路滋事之團匪已一哄而散查無蹤跡○豐臺鐵路各車站有兵駐紮以來形狀稍爲安靜○裕制臺以現下省城西人相率來津難保沿途不再生事特派水師營哨官鄭君宏農率隊前往專爲護送○直督裕制臺聞警後卽檄飭武衛前軍統領聶軍門撥調部下三營於初一夜間特開兵車連往豐臺或云係至北京又以天津五方雜處亟宜防範復調武衛前軍二營於

初一日由蘆臺開至天津

初四日○駐滬法領事發出傳單通知在滬各法商謂北京至天津之電線現已爲團匪割斷○北京訪事五月三十號晨九點三十分鐘時發來專電云北京至天津之鐵路現已修復仍可通行其在長辛店之法國工程師亦已安抵北京矣○天津有某觀察條陳駐兵保護地面之法除陳家溝外以閘口梁園門外等處爲尤要聞制臺已調武衛前軍後路中左右三營步隊分路駐紮今梁園門外已有步兵三哨於是日午前開至○頃得京友來函述事甚詳爰補錄之上月二十九日本月初一初二日 召見董軍門福祥三次 面授以抵制西兵機宜董軍門亦慷慨自効有仰體 慈意誓立寸功之語○又云武衛軍中惟聶軍門所部三十營尙無團匪在內至虎神營則人言藉藉咸謂其盡係團匪○又云團匪初起時托稱仇教故事與西人爲難近則黨羽愈衆猖狂愈甚卽並非在教之人亦一律被擾○近日津地謠言蜂起有匪徒乘人不覺割取髮辮之謠有居民門首忽被團匪於夜間畫一紅圈之謠此外駭人聽聞之謠言尤覺不可枚舉以致津地三義莊素奉耶穌教之居民聞而大懼乘夜避居他處人心爲之惶然○豐臺

經此一驚中西之人皆不敢往現在西人計共有五名至中國人則皆由局中硬派前去者○豐臺所毀各房屋及物件等經總工程師金達君估計約值二十萬金○長辛店附近之三合莊房屋亦於初一日被團匪燒盡該匪即盤踞此處至今未散惟長辛店現有北京兵二千名駐紮藉資鎮懾○聞武衛後軍現駐北京鐵道之南神機營則駐鐵道之北楊統領駐高牌店計帶武衛前軍三營邢統領亦帶前軍馬隊駐保定西關查察定興安肅一帶開平馬隊保護原處不便調動唐山有武衛左軍撥營駐紮○京城郵政局因團匪滋事恐悞郵件有由陸路寄者凡應貼郵票二分須照加一倍之說○蘆漢鐵路現下暫時停工○當涿州車站遭劫時站長一家均被殺害刻下該處團匪勢仍固結○永定門外拏獲毀鐵路電杆之匪徒八名經鐵路公司審問後於初四日押解順天府懲辦○永定門駐紮之武衛中軍於初四下午移營至蘆溝橋駐紮○河間府臥佛堂地方聚有團匪數千人雖無殺害教民之事而該處教堂業已被焚居民不堪其擾○戶部札調神機營保護倉庫共計支搭棚帳四十餘座○由蘆赴津之武衛前軍後路隊伍現分撥五處駐防一教場二武庫三河東溝子四南製造局五閘口

初五日○聞長辛店地方當團匪縱火橫行時各西人均避匿近處一小山內得免○豐台車站長金某不探信息虛實聞聲先避經總辦唐太守查知實情擬將站長送縣重辦後經公司中西人將金某保釋謂當時風信緊急不能責金某一
人○有人從琉璃河來據云團匪俱係紅布繫腰其中以二十歲內外之人居多
所持者皆木棍長槍鐵刀之類因站中人皆見而避去無與抵禦故得任意縱火
并毀車路其實此股團匪不過數百人耳○有西人自保定乘船至津者行甫百
餘里與團匪相遇計有六七百人潮湧而至幸西人携有護身鎗彈竭力抵拒尙
不致遭毒手然聞已失落九人生死不知初六日有數十人到津間有婦人幼孩
不少據云棄舟登陸且拒且走至一日夜精神疲乏衣帽不全惟一人奪得團匪
旂幟一面紅色白邊中嵌白圓心大書保甲義和團練字樣○刻下義和團以涿
州雄縣二處爲最猖獗各城門均讓義和團匪把守稽查出入惟不驅逐官長
初六日○天津電蘆保鐵路工匠廿三名逃難來津皆比利時人也傷疾交作并
稱同行者尙有七人今無下落○北京來信云目下京中義和拳匪甚衆其勢亦
愈熾殊屬可虞現經城中官吏將該匪等嚴行禁止不准在城中滋事想此間已